

經部

欽定四庫

經部

論語精義

詳校官監察御史臣左 周

刑部即中 許兆椿覆勘 總校官進士 臣朱

校對官助教臣沈 培 腾绿監生臣黄廷樞

E 13 1 謝曰此一篇大概多語當時之善士及尚論古之人 此者為識道語此者為語道則於師弟子之間其可 然為君子者當求諸己而已何汲汲於斯乎盖知不 1 pm 八言ア 論語精義 物則在我者可知矣是故識 撰

妻之子謂南容邦有道不廢邦無道免於刑戮以其兄 子謂公治長可妻也雖在縲絏之中非其罪也以其子 子妻さ 或問孔子以公冶長不及南容故以兄之子妻南容 而以己之子妻公治長何也伊川曰此亦是以已之 私心看聖人也凡人避嫌者皆內不足也聖人自至 公何更避嫌凡嫁女必量其材而求配或兄之子不

金いろではんろう

以已乎

唇必非其罪雖不若南容之慎知其不為非義也 嫌事賢者且不為况聖人乎 時前後皆不可知也以孔子為避強則大不是如避 故辨其非罪聖人之言無所苟也有罪無罪在我而 横張曰錐在縲絏之中非其罪也縱或不幸不免因 之理自如此何更避憊也若孔子事或是年相若或 甚美必擇其相稱者妻之己之女美必擇其材者妻 范曰公治長繁於緣終時人或疑之孔子欲妻以子

版定四車全書·

論語精義

是有罪而得軒冕者亦可以為榮矣 矣然則公冶長在縲絏之中而可謂之智乎非其罪 其子以為可托也特以其人之行可以行道於家人 謝曰以智師人之謂夫公冶長南容智矣聖人非私 而陷於刑戮雖聖人有所不免至於不為桎梏而死 巴自外至者我何與焉若非罪而得縲絏以為唇則 足以容故免於刑戮與知不如葵者異矣 可以知長之賢矣南容其言足以與所以不廢其點

一次定四車全書 一門 室家皆可妻也公冶長之賢宜貶於南容矣而以其 楊曰聖人所以求於人者簿可免於刑戮而不累其 時先後適當其可而已世儒謂有處人處已之異非 以其兄之子妻南容王元澤曰君子之處其子與處 子妻之南容以其兄之子妻之益或以其齒或以其 其兄之子固不同也曰兄弟之子猶子也何擇乎誠 知聖人者也夫兄弟之子猶子也處之有異焉君子 不為也況於聖人乎 又曰孔子以其子妻公冶長 論語精義

如所言是聖人猶有私意也聖人不容有私意若二 尹曰雖然他而非其罪邦無道免於刑戮皆能不陷 其厚於兄而薄於已即記此者特言如是二人可託 女之少長美惡必求其對所妻先後未必同時安在 以女子之終身且聖人為子擇配不求其他故可法 所當視其子及兄之子何所容心哉 於不義非慎行者不能也聖人至公而已於是各有 卷三上

子謂子賤君子哉若人會無君子者斯馬取斯 魯無君子則子賤何所取而學之然則魯非無君子 范曰子曰十室之邑必有忠信如立者焉十室且不 伊川解曰斯助語詩云恩斯勤斯 則君子道消世豈嘗無人乎亂則隱否則消也 無人況於魯國乎夫子賢子賤而知一國之有人使 謝曰語君子之名雖不一然論其大體皆具體而小 也蓋有之而不用也易曰天地閉賢人隱小人道長

设定四重全書

論語精美

129

此夫子之力也使其得邦家者其作人才當如何我 是時使天下皆如魯雖王者不作文武之道其墜乎 成者也當世衰道微之時區區小國乃有此人豈非 地即故曰魯無君子者斯焉取斯以言其多助也當 見聞熏陶漸積之使然也又豈天之降才獨多於此 侯曰子賤之為君子也魯人未嘗知之故孔子曰曾 成德也 楊曰君子取諸人以為善魯多君子故子賤有取而

子貢問曰賜也何如子曰女器也曰何器也曰瑚種也 而孔子以朔璉之器答之者朔璉可施於宗廟如子 其飾之美 义語録曰子貢問賜也何如自矜其長 伊川解曰器者尚飾之物子貢文勝故云器也復問 子賤何所取法能若是即 尹曰因子賤之賢知魯國之多君子若魯無君子則 無君子者斯焉取斯 何器也曰瑚璉也瑚連貴器飾之勝者字皆從玉見

次を心事人も言

論語精義

范曰子貢自賢其才不能知己之所至故問曰賜也 之器如宗廟之中可觀之貴器故曰瑚連也 貢之才可使於四方可使與實客言也 又曰子貢 何如器者各過,其用而不能通少變者也子貢小之 害其為不器何害其為形而上者子貢聖門之達者 於道體無不窺見設未能從客而安之亦可不謂之 謝曰器者成材之謂學者充實時也使其能輝光何 又問瑚璉則貴矣未若君子之不器也

矣聖人抑揚其詞如此所以長善而救其失也 宗廟之器也其器足為宗廟之用則進乎君子不遂 國器未可執方論也 楊曰子謂子賤君子哉故子貢問賜也何如曰汝器 器然其器之貴者與 小成乎孔子以器許之猶後世以通達事體者謂之 尹曰器有用者也瑚璉宗廟之器子貢雖未至於不 也則與君子之不器異矣蓋抑其方人也然瑚璉者

次已四年全事

論語精義

或曰雍也仁而不佞子曰焉用佞禦人以口給屢怕於 人不知其仁焉用伎 焉用佞 伊川解曰佞辨才也人有則多入於不善故夫子言 范曰倭口才也時人以為賢故謂雍也仁而不佞夫 無口過佞何害哉若不知其仁焉用佞也 言也故佞則不仁仁則不佞多言而尚口者取憎之 子亦惟好仁而惡佞佞者不必能行也仁者不必能 又語録曰尚仁矣則口無擇言言满天下

道也 謝曰夫子嘗謂仲弓可使南面想見其為人宜簡重 吕曰口給無其實而取足於口也仁而不佞則可不 故或人以雍也仁而不佞為問然佞足以悦流俗而 楊曰不有祝鮑之佞難免於世則世方以佞為悅矣 然不知點而識之不言而信存乎德行則馬用佞 矣簡重則多點故或人以為仁而不佞疑其不足也 仁而佞不若仁而不佞

设包里主

論招精長

をプレアルアノニー 子使漆雕開仕對曰吾斯之未能信子說 止也 明道曰即目所學便持吾斯之未能信道著信便是 憎仁者安所用之乎 尹曰倭口才也雍也仁矣或疑其不佞故問焉子謂 巴君子而求諸非道則為佞者乃所以取憎也 既仁矣惡所用佞因言佞者禦人以口給屢為人所 未能自信不可以治人 孔子所以説漆雕開之對 又曰子說者漆雕開已見大意故說 卷三上 又曰

信皆是古人此理已明故也 又曰只是這箇理巴上却難言也如言吾斯之未能 子止曰可使為宰由求之徒豈止如此孔子如此言 仕有餘矣無孔子道可以仕必有實也如子路志為 漆雕開表可任而孔子使之仕何也以其言觀之其 能信信謂自得故夫子說其篤志 又語録曰或問 伊川解曰子使漆雕開仕使求禄也對以已學且末 千乘之國孔子止曰可使治其賦冉有志欲為邦孔

SCA. 10 wal Lishma

論語精美

金兒四月石書 謝曰漆雕開之學他無可考然聖人許其可以仕必 易求諸内而不願乎其外此夫子所以說之也 范曰漆雕開學可以任故夫子使之任而開自以道 未能信則其於學也有進而無止於仕也有難而無 之便是優為之也 此聖人之所不能知而漆雕開其自知之矣其曰此 疑也至於心術之微則一毫不自得不害其為未信 其材之已成者也材或出於天資聖人不敢以未信

子曰道不行乘桴浮於海從我者其由與子路聞之喜 安於小成則它日所就雖聖人其可量乎不得不說也 之未信其用心豈博而無統乎其材可以仕其器不 尹曰以已學且未能信美可以仕夫子說其為志也 楊曰漆雕開未能信而不自欺蓋進乎信矣亦可以 有未至者學之為已如是其孰能禦之子之所以說 仕也故孔子使之仕然彼方自謂未能則其充之必

人口回 上

論語精義

金为也是人 子曰由也好勇過我無所取材 路不知便謂聖人行矣故曰無所取裁言其不能斟 故謂其能從已子路以為實欲浮海也故喜夫子與 伊川解曰浮海居夷談天下無賢君也子路勇於義 子而不能裁度適於義也 又曰孔子欲乘桴浮海 已夫子喜其勇而謂其不能度量事理取材裁度也 居九夷皆以天下無一賢君道不行故言及此爾子 材裁通用 又語録曰材與裁同言由但好勇遇孔 卷三上

決足四重全事 酌也 范曰道無乎不在無往而不可也故曰雖蠻貊之邦 知退能勇而不能怯也故勇則誠遇於夫子而無所 之可從知海之可往而不知不必往焉此知進而不 此言他人則不能不感無勇必多疑故也由知夫子 往而卒不往者明其可往而已仲由好勇故可以受 有可行可居之理則必明之公山弗擾佛於之召欲 行矣,又曰欲居九夷然而孔子未必行未必居焉 拍招待关

今にプロアノバリ 者不適用也 然子路往而不返不及知變故不許其喜無所取 忍絕中國也道不行而去子路之所知不忍絕中國 日曰浮海居夷歎道不行而有是言然卒不行者不 謝曰子路在聖門最為可與共患難者故孔子稱之 教而不去也 取材材之言裁也無所取裁故不能折中此所以受 子路之所不知孔子以子路勇於進退故許同其行 材

文文·Dan Line 聖人豈終乘桴浮於海者子路不知其意直以為然 謂我若為憤世過中之行若人猶將從我而行也然 從命無所裁度也臣聞師程颐曰古者材與裁通用 取裁矣 楊曰乘桴浮於海非果者不能從子路聞之喜與率 此其好勇寧不過也 爾而對一也故退之夫聖人之勇不可過過則無所 尹曰浮海居夷譏天下無賢君以行其道子路勇於 論語精我

之國可使治其賦也不知其仁也求也何如子曰求也 孟武伯問子路仁乎子曰不知也又問子曰由也千乘 母与でたる可能 仁也 千室之邑百乘之家可使為之宰也不知其仁也亦也 何如子曰赤也束帶立於朝可使與實客言也不知其 范曰三子學於孔子而其材止於如此是習衰世仕 於諸侯大夫之事而不能有以自樂者也故不知其 仁夫仁唯克己復禮無欲者能之苟有願乎其外則

謝曰仁之為道自其一體論之三子不容無也由全 不足以為仁故非三子所及 武伯能如子貢問管仲伯諸侯之事則於仁不仁可 其仁非以三子為不仁特於此未可以觀仁也使孟 與東帶立於朝與實客言非仁者不能也然而不以 易以斷矣然千乘之國百乘之家可使治賊與為宰 體觀之三子不能當也夫子旣稱其材而又曰不知 仁許之者聖人之語道非若諸子之漫無統約也

人民日本人生

論語精義

然觀三子自言其志其力分亦止於是故夫子所以 錐口未仁未害為君子故對孟武伯之問曰不知而 子而不仁者有矣未有小人而仁者也由求赤之賢 楊曰道二仁與不仁而已此君子小人之分也然君 侯曰武伯問三子之仁而孔子答以治賦與為宰固 處之者如此 非仁者不能然而東帶立於朝與實客言若能觀其 已不正言其不仁也正言其不仁是則小人而已矣!

金万で尼台門

子謂子貢曰女與回也熟愈對曰賜也何敢望回回也 以孟武伯問子路仁乎若夫子答以仁則不唯使武 進退周旋則其仁亦可知矣而夫子言不知其仁者 尹曰三子之才則可知也必也盡仁之道斯可謂之 伯不識仁又以子路盡仁而仁止於是也使武伯知 方也已 仁是以對曰不知其仁也 仁者通上下而言則知三子之仁而可以知為仁之

大小日時 人品

論語精義

ţ

闡 自謂何敢望回故云吾與女弗如也所以勉其進也 與回也孰愈所以抑其方人也 又曰聞一知十聞 伊川解曰子貢喜方人故問其與回孰愈子貢旣能 其言知其勉已不喻亦可使慕之皆有教也 以知十賜也聞一以知二子曰弗如也吾與女弗 知二學多少而言也曰吾與女弗如也使子貢喻 又語錄曰子貢常方人故孔子答以不暇而又問 或問

吾與女弗如也與吾與點也之與如何曰與字則一 范曰夫子之教人亦多術矣使子貢知己之不如顔 為雖聖人尚不可及不能勉進則謬矣 又曰顏子 使子貢喻聖人之言則知勉進已也不喻其言則以 用處不同孔子以為吾與女弗如也勉進學者之言 亦只能聞一知十若到後來達理了雖億萬亦可通 子是亦教誨之也夫顏子聞一以知十子貢之知足 又曰子貢之知亞於顏子知至而未至之也

文三百年全十二

論語精美

日日知類通達至極其數者顏子也凡物有對樂其 以知之而仁不能及也顏子之於道也進而不已學 也非語其造道成德之謂在夫子之門惟賜於此為 謝曰聞 偏而知其對者子貢也 其才有限也 而唯恐不及是以幾於聖人自子貢以下則畫焉故 近然如柴之思參之魯蓋不害於入德如賜之達未 一以知十知明而好篤者能之此顏子之才

其間也然則聖人於此以謂不如回何疑之有若以 為優於入德回雖聞一知十而亦未肯以此自多於 此較有餘不足則假矣 而磨切之也 盖子貢之達其徒鮮儷而好方人故以顏子為問蓋 堂回則曰吾與女弗如也以悦之皆聖人抑揚其詞 楊曰回賜之賢孰愈孔子宜知之審矣反以問子貢 將以抑之使望洋向若而知自屬也至其自謂不敢

次定四軍全書

· 瑜語精美

主

宰予畫寢子曰朽木不可雕也糞土之牆不可朽也於 人也聽其言而觀其行於予與改是 予與何誅子曰始吾於人也聽其言而信其行今吾於 愈既曰何敢望回而云吾與女弗如者豈聖人真所 尹曰臣聞師程頤曰子貢喜方人故問其與回也孰 之言 不及哉所以勉子貢進學也 伊川解曰人既耽惑難以語學矣因責其不踐平日 又語錄曰宰子畫寢孔子以其質惡因是而

大小日后人 言又史記載字予被殺孔子羞之常疑田常不敗何 縁被殺若為齊君而死是乃忠義孔子何羞之有及 范曰君子之於學惟日孽孽斃而後已惟恐其不及 又曰殭者易抑子路是也弱者難殭宰我是也 觀左氏乃閩止為陳常所殺亦字子我謬誤如此 自其畫寢而夫子始不信其言以其華而無實不足 言其質不美不足以有成也字予以言見取於聖人 也字予畫寢自棄孰甚焉故夫子深責之朽木冀牆 論語精義

宰我以誨也 以有行也錐聖人不以一人而待天下以不勤蓋因 謝曰剛為近仁養心莫善於寡欲予也聖門之高弟 於更事之多也而况於學者 楊曰朽木糞牆謂無貧也學者非自殭不息不足與 盖聖人之道雖得於生知至材全而知益明猶有待 則聰明過人者語其淫溺蓋以志昏而氣喪尚可與 人道乎與成湯不邇聲色異矣聖人始信之終疑之

金気で屋台書

真不足誅邪是亦不屑之教誨也於予與何誅是乃 偽有因是而後見者豈特是而已哉其應之也能不 有未盡者然必待於予而後改是蓋聖人於人之情 深誅之也 又曰有言不必有德則聽言而信行容 語道故责宰予以是然謂於予與何該者豈以予為 尹曰宰予以言語稱於聖門孟子亦曰善言德行於 憚改而已 其對哀公問社及問三年之喪復於此皆深責之益

久足可最上生

指語精義

子曰吾未見剛者或對曰申根子曰根也懲焉得剛 能言而行不逮者矣傳曰畫居於內問其疾可也故 至鼻之於香口之於味四肢之於安佚皆然此皆有 録曰甚矣懲之害人也人之為不善慈誘之也誘之 伊川解曰人有怒則無剛剛則不屈於怒也 而弗知則至於滅天理而不反故目欲色耳欲聲以 以朽木糞牆譬其質惡難以語學也 以使之也然則何以室其欲曰思而已矣學者莫貴

一欽定四庫全書 范曰剛者天德惟無態乃能之神龍惟有欲是以人 物不能易也無欲則能無心無心則能至公至公然 得求其欲而制之亦得而食之聖人無慾故天下萬 **懲則不剛至大至剛之氣在養之可以至焉** 後剛孟子謂浩然之氣至大至剛以直養而無害亦 於思惟思為能窒然二者窒然之道也又曰凡人 以愁之害氣也 謝曰剛與慾正相反也能勝物之謂剛故常伸於萬

子贡曰我不欲人之加諸我也吾亦欲無加諸人子曰 楊曰有慾必有狗於物焉得剛 俸俸自好者乎故或以刚疑之然不知兹所以為然乎 威武則屈於物我要之有意則有慾有慾則不剛宜 志者少無志者多不屈於名勢則屈於貨色不屈於 物之上為物掩之謂慈故常屈於萬物之下自古有 尹曰人有慈則無剛剛則不屈於慾 乎夫子之未見也根也其所慾不可知其為人得非

賜也非爾所及也 者也此無伐善無施勞者能之故非子貢所及 諸已而不願者也無加諸人者已所不欲勿施於人 曰賜也非爾所及也 又曰不欲人之加諸我者施 願亦勿施於人正解此两句然此兩句甚難行故子 伊川解曰我不欲人之加諸我吾亦欲無加諸人仁 則非子貢所及 义語錄曰中庸所謂施諸己而不 也施諸已而不願亦勿施於人怨也恕或能勉之仁

設定四車全書

論語精美

范曰君子修其在己者其在人者不能必也已欲無 耳 於仁矣故曰非爾所及然未至於仁也以其有欲字 子貢所及也 顏子之行犯而不校則已矣豈能使人無犯乎故非 無加於人者矣而欲人之無加於我雖聖人不能也 如於人易使人無加於己難己所不欲勿施於人則 曰我不欲人之加諸我也吾亦欲無加諸人怨也近 次とりまりたはう 不可得而聞也 子貢曰夫子之文章可得而聞也夫子之言性與天道 謝曰孔氏注言不能止人使不加非義於已也 楊曰惟仁者能之非子貢所及也 尹曰無加諸人在已欲人不加諸我在人在已可必 性與天道不可得而聞也子貢盖於是始有所得而 也在人不可必也 明道曰子貢曰夫子之文章可得而聞也夫子之言 論語精義 Ŧ

戴之以子貢之才從夫子如此之久方戴不可得而 待作多少事豈肯如此 歸則子貢之志亦可見矣他人如子貢之才六年中 聞亦可謂之鈍矣觀其孔子沒築室於場六年然後 闖 伊川解曰此子貢聞夫子至論而數美之言也 語録曰性與天道非自得之則不知故曰不可得而 又曰性與天道子貢初未達此後能達之故發此 又曰性與天道不可得而聞要在點而識之也

范曰孔子稱竟曰煥乎其有文章文章者德之見乎 任不以茍知為得必以了悟為聞因有是說 外者也子貢之智足以知聖人故其文章可得而聞 云夫子之言則是固常語之矣聖門學者以仁為已 歎辭非謂孔子不言其意又淵與如此人豈能易到 横渠曰子貢謂夫子所言性與天道不可得而聞旣 人不得聞 又曰唯子貢親達是理故能為此數美之解言衆

次王四事を与

論語精美

Ī

吕曰吾無隱乎爾與人為善也學不躐等非隱也未 而聞也然知其不可得聞是其智足以及之而仁未 罪去非隱情也衆人自有所不識性與天道非不言 足以與此也 與天道則未嘗以語子貢自子貢以上則無乎可得 也弟子亦自有所不聞 可也竭两端於鄙大非躐等也言近而指遠也以微 也夫子之於門人各因其材之大小高下而教之性

性與天道使子貢智不足以知之則安能語此則夫 夫子雖欲言之又安得而言之所以不可得而聞也 之聽言也他人聞夫子之文章止於文章而已子貢 性與天道多矣其言紛紛使人彌不識者亦異乎 聞夫子之文章於其間知所謂性與天道性與天道 與天道異乎人之言性與天道子貢之聽言異乎人 謝曰夫子之文章異乎人之所謂文章夫子之言性 子可不謂善言乎子貢可不謂善聽乎後世諸子言

欽定四車全書

論語精義

道錐聖人有所不能知焉況子貢乎聞即是知不得 能知之謂也 而聞者可以與知之謂也不可得而聞者亦有所不 道命也有性馬君子不謂命也論性之妙而與於天 游曰孟子曰仁之於父子義之於君臣至聖之於天 楊曰夫子之文章與言性與天道無二致馬學者非 子之言矣後世學者觀書於童句之外毫髮無所得 也亦異乎子貢之聞矣

將進乎此矣 又曰天命之謂性幸性之謂道性命 道非有二也聞者自異耳子貢至是始與知焉則將 道三者一體而異名初無二致也故在天日命在人 黙而識之則不可得而聞也子貢至是始與知焉則 率性是也豈遠乎哉夫子之文章乃所以言性與天 尹曰子貢於此始有所得知性與天道非如文章可 進乎此矣 曰性率性而行曰道特所從言之異耳所謂天道者

歌定四車全書

論語精義

Ī

子路有聞未之能行唯恐有聞 范曰子路聞善勇於必行門人自以為弗及也故者 得而易聞 子路有閒未之能行唯恐有聞聞見如登九層之臺 之若子路可謂能用其勇矣 有所聞也 又語錄曰人之所可畏者便做要在燭理 謝曰未能行而恐有聞蓋以聞為餘事矣夫勇於有 伊川解曰子路果於行者故有聞而未能行唯恐復

子貢問曰孔文子何以謂之文也子曰敏而好學不恥 尹曰子路勇於行者故有聞而未能行唯恐復有聞也 楊曰尊其所聞恥躬之不速也非勇於為善其孰能 吾知之矣此聞也非知也 見而後知口之於味必待食而後知未之能行而曰 知也蓋唯力行然後可以知道譬如目之於色必待 行豈必以遷善改過為美數蓋道不如是不足以有

設定四車全書

論語精義

下問是以謂之文也 范曰敏則有功而能好學則有進而無已不恥下問 守一偏而交錯乃謂之文 成文敏者多不好學居上者多恥下問今孔文子不 吕曰物相雜故曰文凡事之交錯不守一偏乃所以 者取於人以為善也雖舜亦由此以為大夫所謂文 謝曰諡法固非一端知孔文子之得名豈非勤學好 也者必內有其質外有其行而後可以名之也

其養民也惠其使民也義 子謂子産有君子之道四焉其行己也恭其事上也敬 楊曰敏而好學不恥下問故亦可謂之文與文王之 問者乎故與經天緯地之文異矣 侯曰敏而好學不恥下問是以謂之文矣 横渠曰使民義不害不能教愛猶衆人之母不害使 尹曰勤學好問為文 所以為文則異矣

议定四重全書

始经精美

壴

義民其有不從者乎子産有此四者合於君子之道 當如此以文王之至聖不過於不敢侮鰥寡有事君 恭事上敬養民惠使民義難以一事語之要之至理 謝曰子産古之成人也其端己接物故有本末行已 為政則未也 侮敬所以陳善閉那也惠則足以使人而又使之以 范曰夫子稱人之美取其可以為後世法也恭則不 之義禮樂不與僑之病數 欽定四庫全書 子曰晏平仲善與人交久而敬之 子矣 君子之道四焉 尹曰四者人有一焉得以為君子子産羔之故曰有 楊曰以惠養民而使之以義雖不知為政不害其為 君子之道也 伊川解曰人之交久則敬衰久而能敬所以為善與 之小心惠鮮鰥寡不替義德有是四者蓋可以為君 お話れれ

謝曰晏平仲當周衰時亦可謂賢大夫其善固多矣 范曰久而能敬所以有常而不厭也上交不謟下交 平仲足以為法矣 聖人於此特論其與人交一節而已所謂久而敬之 不瀆君臣之相與亦當如是有諂有瀆則非敬也若 必德盛而有常者能之益非有意於久交也而德盛 有常者自不狎侮矣

飲定四車全書 人 子曰臧文仲居蔡山節藻稅何如其知也 語錄曰蔡與采同大夫有采地而為山節藻稅之事 不知也山節藻稅諸侯之事也 伊川解曰世謂城文仲知僭上失禮安得為知 尹曰交久則敬衰久而能敬所以為善也 楊曰交之道久而益親則都習而敬处焉人之常情 横渠曰山節藻棁為藏龜之室祀爰居之義同歸 也故以久而敬之為善 論語精義

范曰子曰智者不感以其明於是非而取舍無疑也 處於非不可以言知矣夫偕禮者非不知侈之為惡 蔡非其所居山節藻棁非其所宜胡為不明於是而 不知宜矣 謝曰臧文仲當時必以智稱然不知為僧上害禮之 心勝而明有所蔽也 儉之為美也不能以義制欲而犯義以從欲焉故私 事於我何益焉蓋夫子開當時之感以為智者不如

卷二上

飲之四車全書 色舊令尹之政必以告新令尹何如子曰忠矣曰仁矣 違之至於他邦則曰猶吾大夫崔子也違之之一邦則 子張問曰令尹子文三仕為令尹無喜色三已之無慍 乎曰未知焉得仁崔子弑齊君陳文子有馬十乘棄而 是也 仲不智者三有曰作虚器是也 楊曰以山節藻棁居蔡是猶以巳養養鳥也焉得知 尹曰罪莫大於僭智者為之乎左傳稱仲尼謂城文 論語精義

多プセガノショッ 又曰猶吾大夫崔子也達之何如子曰清矣曰仁矣乎 曰未知焉得仁 伊川解曰令尹子文三任為令尹無喜色三巳之無 喜愠則非也尚無喜慍何以知其未仁也夫子獨稱 其舊政告新為忠 斯可見矣 或問令尹子文之忠 愠色 其然豈其然乎人不能見其色則可矣謂其無 為之亦只是清忠也 或問令尹子文忠矣孔子不 陳文子之清使聖人為之是仁否先生曰不然聖人

不知進退去就之義不免於有懷行至於有懷錐曰 范曰今尹子文之忠陳文子之清皆未足為仁仁者 許其仁何也曰此只是忠不可謂之仁若比干之忠 子至於崔子弑齊君而後去是不知去就之義者也 吕曰子文至於三仕三巳不知進退之義者也陳文 伯夷之清乃可謂之仁矣 必有及於天下非自足於一己而已也若比干之忠 見得時便是仁也

次之**四重主書** 論語精義

乘建而之他邦其立心高矣故子張以仁疑之然容 清忠而仁不足道也 而入德者矣況於令尹子文陳文子一時之善士也 謝曰文武之澤入人也深養人也久故小子有造人 有質厚者亦能之是以夫子於仁不仁未可斷也其 有士君子之行則其遺風未熄之時蓋有不待學問 曰未知焉得仁非以二子為不仁特恐子張識清忠 三仕無喜色三旦無愠色舊政告新令尹與棄馬十

設定四車全書 清疑若可以為仁故子張以是為問然仁若比干伯 有 夷可也降是寧足與此乎蓋仁不可以迹論之故也 矣不立於惡人之朝棄十乘而違之可以為清矣忠 楊曰三仕三巳而無喜慍舊令尹之政必以告新令 而不識仁也使子張知清忠之非仁其於知仁也何 尹是事君人不為容悦而私於已者也故可以為忠 侯曰子張問令尹子文陳文子仁矣乎孔子對以清 論語精美

幸

於禮得於智者也其色有數於心則不可謂之仁矣 與忠而曰未知焉得仁益仁者理之得也得於義得 之方或為仁之術皆非所謂盡仁者也令尹子文相 伯而討其賊令尹徒以區區之忠而告其新文子以 之富大夫也崔子弑齊君而不能上告天子下請方 其僭號之君而不知正其名陳文子有馬十乘亦齊 而名仁者亦有之或言仁之功或言近乎仁或為仁 以全體言之唯践形者可以謂之仁其餘或以一事

季文子三思而後行子聞之曰再斯可矣 皆末事也何足為仁之道哉 使聖人為之只可謂之清與忠而已故夫子皆曰未 知焉得仁謂未知仁道也無喜慍之色與棄馬而逃 子子之義而避其地是皆不知為臣為仁之道也雖 則過矣 伊川解曰使晉時也其再慮當矣至於求遭喪之禮 尹曰觀二子之事謂之忠清則可矣仁則未知也 又語録曰為惡之人未嘗知有思有思則

炎定四重全書

海接精義

主

為善矣至於再則已審三則感矣 又曰再則定三 謝曰天下之事有是非利害君子不能無擇也是以 范曰思所以求通也多則感故再思可矣不必於至 夜以繼日則不止於三也季文子事事必三思而後 得者有深思而得之者不執一也若周公仰而思之 則私意起矣 行故孔子以為過矣 三中庸曰有弗思思之弗得弗措也聖人有不思而

敗之四軍全書 徐思之有可為則行此之謂再思再思之外猶有思 惑矣 再思以為可也徐思之有未可焉則止以為不可也 能不悅乎夫子所以解其感而曰再斯可矣 焉恐不免於妄也必無中倫之理有人聞季子之風 尹曰思至於再可也至於三則惠若文子使晉而求 楊曰事有可不可两者而已故思止於再可也三則 遭丧之禮以行思之過者也 油語精美

愚不可及也 子曰審武子邦有道則知邦無道則愚其知可及也其 范曰治則見亂則隱出處之迹也知與愚本於其心 吕曰以聖人之行為不可及則過於知過也 有不當愚者比干是也 伊川曰邦無道則能沉晦以免患故曰不可及也亦 以見於亂邦之害此所以為不可及也 而有道則明之無道則晦之道隱乎心而迹著乎外

於定四車全書 而不愚以隕身失族者不絕於春秋之時優游卒歲 其初心豈欲先公後私歟益才有所長知有所短也 惟叔向而已至於此然後知武子之愚不可及也原 過中道矣 楊曰有知愚之名則非行其所無事者言不可及則 如武子者莊子所謂才全而德不形者乎觀其無道 而愚則有道而知亦不得已矣 曰邦有道則知知也邦無道則愚大知也邦無道 論語精義 圭

所以裁之 子在陳曰歸與歸與吾黨之小子狂簡斐然成章不知 篇豈是仲尼一人獨力能為之蓋當時皆付諸弟子 語録曰此言弟子狂簡志大而行不揜故率然能成 詩書作春秋定禮樂已前簡策甚多如詩書皆千餘 伊川解曰夫子之刪詩書使羣弟子編緝之也 尹曰邦無道而愚蓋人之難能者也 章不知所以裁之是時孔子将反魯之時也仲尼刪

章但未知所以裁擇故仲尼在陳思歸魯而裁正成 編集然後删定故仲尼周流四方諸弟子編集已成 書也故曰吾自衛反魯然後樂正雅頌各得其所 或誤天下後世此夫子所以欲歸也 范曰狂者進取簡則未能居敬也若琴張曾哲收皮 吕曰狂簡當為狂狷狂者進取進取則遇狷者有所 者是狂而已不知所以裁之則不得其中傳之於書 不為不為則不及自非聖人立言舉不能悉合乎中

及己の重人書

論語精義

金いりでたんご 謝曰夫子嘗曰如有用我者吾其為東周乎則其傳 得中行而取狂狷又不得其行而卒歸乎立言則聖 尚矣其不中者尚在裁以就中爾道之不行也旣不 錐未合乎中固已雜然成章矣成章則達矣其中者 於門人非夫子初心也當是時雖得天下英才而教 卒不用也不復夢見周公也將以其道傳之門人豈 育之所樂不存焉而況狂狷乎及其鳳鳥不至知其 人之不遇可知矣

子曰伯夷叔齊不念舊惡怨是用希 雖不得中行猶欲成就之而况英才乎此孟子所謂 楊曰道不行則私淑諸人而已 衛反魯然後樂正雅頌各得其所 尹曰孔子在陳不得中道而與之故思其次也狂簡 不曰吾舍此其如來世何此欲反魯時心也當是時 狂者又不可得又思其次也 小子於詩書禮樂能成文章而不能裁者也是以自

汉足四重全書

論語精義

金ピノセラノニー 之量 為它不念舊惡氣象甚宏 又曰不念舊惡此清者 清若推其所為須不容於世必員石赴河乃已然却 故怨希不然則不可以處世矣 伊川解曰伯夷叔齊之節至高峻也然其居之以寬 夷知常禮而不知聖人之變故隘不食周栗只是不 伯夷隘只此便見隘處君臣尊軍天下之常理也伯 有之乎曰叩馬則不可知非武王誠有之也孟子曰 或問伯夷叔齊叩馬而諫武王義不食周栗 又語録曰伯夷之

欽定四庫全書 武王伐商即位已十一年矣安得父死不葬之語韓 食他禄非餓而不食也至如史記所載諫辭皆非也 不正便望望去之則可謂監矣疑若有惡矣然却能 心須是聖人語不念舊惡怨是用希說得伯夷心也 退之頌伯夷甚好然只說得伯夷介處要知伯夷之 知君臣之分不知武王順天命誅獨夫石曼卿有詩 不念舊惡故孔子特發明其情武王伐紂伯夷叔齊 或曰伯夷叔齊不念舊惡如何曰觀其清處其兒 論語精美

怨之義 之在已已不念則人亦不怨矣是以怨之者希也 言伯夷恥居湯武千戈地來死唐虞揖遜墟亦有是 日曰夷齊聖之清者清則能遠乎怨不念舊惡乃遠 范曰伯夷叔齊之美多矣夫子稱此者為其樂天順 理首陽乃在河中府處鄉 謝曰君子於所親當怨也然猶不宿怨焉而况於陳 理可以為法也夫與人有惡而不忘則志未平也平

一致定四庫全書 人 者乎越人彎弓而射我則該笑而道之其待我以横 逆曰此亦妄人也已矣益於攻人之惡有所不暇而 念舊惡其中宏裕怨是用希也 楊曰公天下之善惡而不為私焉則好惡不在我矣 不正則望望然去之則隘矣宜若無所容者惟其不 尹曰伯夷叔齊之節可謂高峻觀其清而至於衣冠 何念舊惡之有若夷齊蓋亦所遇者化也 況於念舊惡乎能不念舊惡則怨何自而生 **尽品精** 主

子曰孰謂微生高直或乞醯焉乞諸其鄰而與之 范曰是曰是非曰非有謂有無謂無曰直微生以直 謝曰或乞醯焉乞諸其鄰而與之不害其與人交也 聞而夫子因乞醯知其不直夫害其所以養心者豈 伊川解曰君子敬以直内所枉雖小而害則大 之禄從可知也故以微事斷之所以教人不可不慎 在大哉聖人於人觀其取予一介而干駒之馬萬鐘

其人左丘明恥之丘亦恥之 子曰巧言令色足恭左丘明恥之丘亦恥之匿怨而友 若以周濟急難亦何害其為直然在當時之事其設 尹曰君子敬以直內若微生高其枉雖小害直為大 伊川解曰足恭過恭也左丘明古之聞人 楊曰循理而行無矯揉之私則直矣 而意已傳矣今未可以乞醢認為不直也 心恐不如是也答問之間親見其事故語止於如此

大王日東上書

海征精戒

支

金にどろん 者也夫惟外不為韶內不為許則不愧於天不作於 內為許也言已與丘明同所以顯丘明而率其不能 范曰巧言令色足恭者外為諂也匿怨而友其人者 謝曰巧言令色足恭匿怨而友其人推其類其可恥 外事於言色貌者也 日曰二恥者誠心之所不至世不以為恥惟左丘明 人矣 者與聖人同心此孔子所以取之巧言令色足恭謂 表三上

顏淵季路侍子曰盍各言爾志子路曰願車馬衣輕裘 楊曰恥是四者於孔子為不足道而曰丘亦恥之者 明之善也 盖示人以行使學者知是四者之不可為又以進丘 夫子何足言欲使學者知立心以直而己 有甚於穿窬也左丘明恥則其所養可知矣知恥在 尹曰足恭過恭也巧言令色外語者也匿怨而及其 人内詐者也左丘明古之閒人

人工口事人

編語精義

金月でたる 與朋友共做之而無憾顏淵曰願無伐善無施勞子路 曰願聞子之志 子曰老者安之朋友 信之少者懷之 憾顏淵曰願無伐善無施勞孔子曰老者安之朋友 言爾志子路曰願車馬衣輕裘與朋友共敗之而無 伊川解曰顏淵季路與夫子之言志夫子安仁也顏 信之少者懷之觀此數句便見得聖賢氣象大段不 只是要理會語言要識得聖賢氣象如夫子曰表各 淵不達仁也季路求仁也 又語録曰凡看論語非

A a. I D wat / Liberto 會得聖賢氣象 又曰願無代善則不私矣無施勞 於馬聖人之化亦猶是也 又曰顏子所言不及孔 同若讀此不見聖賢氣象他處也難見學者須要理 之言觀之則顏子之言出於有心也至於老者安之 則仁矣顏子之志亦可謂大而無以加矣然以孔子 制牛人皆知羁勒之作在乎人而不知羈勒之生由 不勞焉此聖人之所為也今夫羈勒以御馬而不以 朋友信之少者懷之猶天地之化工付與萬物而已 論語精義

在男子でたろう 安之朋友信之少者懷之乃天地之道也則安之明 友則與他信少者則 安之朋友信之少者懷之是天理上事 又曰老者 子無伐善無施勞是它顏子性分上事孔子言老者 老者安之朋友信之少者懷之如何曰此數句最好 當懷之乃天道也 但有小大之差皆與物共者也顏子不自私已故無 觀子路顏消之言後觀里人之言分明是天地氣象 伐善知同於人故無施勞若聖人則如天地 又曰子路顏淵孔子皆一意 或問

著心揀擇善惡一切涵養覆載但處之有道爾若善 此勇於義者觀其志豈可以勢利拘之哉盖亞於浴 者親之不善者遠之則物不與者多矣安得為天地 又曰子路曰願車馬衣輕裘與朋友共敗之而無憾 有為蓋滯迹於此不得不爾也子曰老者安之朋友 沂者也顏淵願無伐善無施勞此仁矣然尚未免於 故聖人之志止欲老者安之朋友信之少者懷之 又曰聖人即天地也天地中何物不有天地何嘗

次已四重主事

論語精義

横渠曰仲由樂善故車馬衣裘喜與賢者共散顏子 樂道故願無伐善施勞聖人樂天故分內外而成其 信之少者懷之此聖人之事顏子大賢之事也子路 范曰子路所願志末也顏子則幾矣無伐善無施勞 有志之事 仁者之事也雖欲無之而有我存焉若夫子之言則 大地之功也老者當安之朋友當信之少者當懷之

Da to int like 馬不以制牛人皆知羈勒之生乎人而不知羈勒之 如萬物各正其性命吾豈有心於其間哉堯舜之治 生乎馬聖人之教亦若是而已 吕曰子路喜功與人共利顏子為已不倍於人孔子 天下禹之行水行其所無事而已程子曰羈勒以御 可知今於由與回而問之非問之也蓋教之也欲省 謝曰門弟子所存夫子益得於眉睫之間不待問而 體天不言而信 論語情義

多定匹库全書 者也願無伐善無施勞篤志不足以言之也老者安 之捐志乎不可也其曰盍各言爾志則二人者於此 與回中人以上者也夫子姑使之篤志乎不可也使 亦不害其未化故在學者則為切論至道則為病由 其切問近思者如何又從而振德之也志可以為善 心與願車馬衣輕裘與朋友共散之而無處此篤志 之朋友信之少者懷之此非志也聊以答季路之問 可以省發矣又安知两人者不由是大有以啓迪其

was to the 而已使季路聞此言也則願車馬衣輕喪與朋友共 養的便安之少者不能立者便懷之君君臣臣父父 游曰孔子之道修於家行於鄉施於國達於天下亦 做之而無憾之語能無自小乎使顏子聞此言也則 子子自然合做的道理便是天之所為更不作用 好事底心顔子早是參被巳孔子便不然老者合當 路願車馬衣輕裘與朋友共做之無憾亦是要做 願無伐善無施勞之語能無樂其庶幾乎 又曰子 論語情義

楊曰季路之志推之及於朋友而已顏淵願無代善 於人心者亦不足以與此 不過使老者安之朋友信之少者懷之而已盖使天 所以為孔子之志其辭雖若自抑而非盛德之善治 下之為朋友者皆先施之然後朋友莫不信之矣此 下之為父者皆致其慈然後少者莫不懷之矣使天 下之為子者皆致其孝然後老者莫不安之矣使天 無施勞則裕乎此矣皆志於仁者之事也善推其所

金定四届全書

子曰巳矣乎吾未見能見其遇而內自訟者也 くううこ 為而已子曰老者安之朋友信之少者懷之是則仁 范曰見其過而內自訟則庶乎可以寡過矣非好學 能自訟之為難自訟不置能無改平 伊川解曰夫人能自知其過者鮮矣然知過非難 曰欲見聖賢氣象當於此致意焉 尹曰夫子安仁顏淵不違仁季路求仁臣聞師程颐 矣無事乎推也 瑜语隋花 罗

一多定匹庫全書 子曰十室之邑必有忠信如丘者焉不如丘之好學也 者不能也故曰已矣乎恐終不得見之所以警夫不 尹曰知過非難自訟為難苟自訟不置能無改乎 楊曰小人之過也必文則能見其過而內自訟者鮮矣 謝曰推惡惡之心以自攻其惡則過不可勝改也其 能補週者也 惟能推好已之心好人者能之乎 已矣乎者益甚言其未見也

て・うし ノニー 矜也 學者不自誣也忠信則已與人同所以與人異者唯 范曰十室之邑必有忠信者不誣人也不如丘之好 吕曰所貴乎士學而已矣學之功可使愚者明柔者 好學也聖人必學先王之道然後能成故稱已以勉 伊川解曰忠信質也語生質則不異於人人不若已 一苟能好學則亦已而已矣是以自名好學而不為 好學耳所以勉人學也

绮语诗尾

琞

金定四月全書 皆所謂忠信也其敢厚誣十室乎然不明乎善不誠 謝曰父父子子兄兄弟弟憂葛而冬表渴飲而飢食 剛苟不志於學雖聖人之質不免為鄉人而已自盡 楊曰人之於聖人非天之降材爾殊也未有無其質 以成之耳蓋夫子不以聖賢自居而勉人以學若此 也錐十室之邑必有忠信如丘者馬不如聖人好學 其身矣欲誠其身者其惟好學乎 不欺苟質厚者皆能之故十室之邑必有

The state of the ball of the b		所以勉人云爾	尹曰忠信質也人誰無質乎於學則不如已之好焉	類皆以身教之也
绮括精美			谁無質乎於學則	;
9表			不如已之好焉	j

久之可臣上 欽定四庫全書 雍也第六 子曰雍也可使南面 范曰仲弓可以為諸侯故夫子與之言皆治國之事 論語精義卷三下 論語可見矣 伊川解曰仲弓才德可使為政也 論酒精義 宋 朱子 撰

多分で屋石電 言然 臨其民不亦可乎居簡而行簡無乃大簡乎子曰雅之 仲弓問子桑伯子子曰可也簡仲弓曰居敬而行簡以 使南面 其才宜如此故曰可使南面 謝曰簡以臨之莊以治之為人上之道也仁而不佞 尹曰南面謂可以為政也 楊曰仁足以長人然後能治其國家雍也仁矣故可

敬則自然簡居簡而行簡者似乎簡矣然乃所以不 盡善故夫子云可也 疎略仲弓可謂知旨者子桑伯子之簡雖可取而未 伊川解曰內主於敬而簡則為要直內存乎簡則為 敬居敬則自然簡居簡而行簡却是不簡只是所居 是乃簡也 簡蓋先有心於簡則多却一簡也居敬則心中無物 者已剩一簡字 又曰敬則自虚静不可把虚静來喚做 為否背美 又語録曰居敬而行簡者居

多定匹庫全書 若待人一之於簡而已居敬而行簡竟舜之道也故 故堯舜修已以敬而臨下以簡子桑伯子其處已亦 范曰易者乾德也簡者坤德也敬以直內簡以臨人 吕曰此兩章相發明子曰雍也可使南面不見可使 曰雍之言然 謝曰此仲弓聞夫子可使南面之語因以問子桑伯 之迹故以後章對子桑伯子之言為證 子可不可也與夫子與曾點因問三子之言如之何

A long like 游曰子桑伯子之可也以其簡若主之以敬而行之 之意同也子曰可也簡其所以可以其簡故也居敬 之謂敬居敬則其行自簡矣故簡而庶居簡而行簡 楊曰子桑伯子為聖人之所可者以其簡也夫主一 則簡為善 簡不事事者也仲弓所知如此其不可以南面乎 而行簡以臨其民舉其大而畧其細者也居簡而行 則大簡矣非臨下之道也 简語精美 Ξ.

哀公問弟子孰為好學孔子對曰有顏回者好學不遷 怒不貳過不幸短命死矣今也則亡未聞好學者也 學論曰聖人之門其徒三千獨稱顏子好學夫詩書 尹曰以其居簡故曰可也中主於敬而行簡不亦可 響不知知之未嘗復行不貳過也 乎若居簡而行簡則大簡 六藝三千子非不習而通也然則顏子所獨好者何 伊川解曰颜子之怒在物不在已故不遷有不善未 **北三下** 又顏子所好何

多定四庫全書

之道如何曰天地儲精得五行之秀者為人其本也 學也學以至聖人之道也聖人可學而至數曰然學 矣外物觸其形而動於中矣其中動而七情出焉曰 真而靜其未發也五性具焉曰仁義禮智信形旣生 者則不知制之縱其情而至於邪解枯其性而亡之 者約其情使合於中正其心養其性故曰性其情愚 故曰情其性凡學之道正其心養其性而已中正而 喜怒哀樂嗳惡欲情旣熾而益蕩其性鑿矣是故覺

久三丁草人一

論語構炎

金分工是人 誠則聖矣君子之學必先明諸心知所養然後力行 **廥作聖誠之之道在乎信道篤信道篤則行之果行** 容周旋中禮而那僻之心無自生矣故顏子所事則 沛必於是出處語默必於是久而弗失則居之安動 之果則守之固仁義忠信不離乎心造次必於是顛 知其性知其性反而誠之聖人也故洪範曰思曰曆 以求至所謂自明而誠也故學必盡其心盡其心則 曰非禮勿視非禮勿聽非禮勿言非禮勿動仲尼稱

久二日日 二十二 怒不貳遇有不善未嘗不知知之未嘗復行也此其 之則曰得一善則拳拳服膺而勿失之矣又曰不遭 聖聖而不可知之謂神顏子之德可謂充實而有光 必思而後得必勉而後中故曰顏子之與聖人相去 者蓋聖人則不思而得不勉而中從容中道顏子則 輝矣所未至者守之也非化之也以其好學之心假 好之為學之之道也視聽言動皆禮矣所異於聖人 息孟子曰充實而有光輝之謂大大而化之之謂 蹒跚精发

金岩口尼石雪 之以年則不日而化矣故仲尼曰不幸短命死矣益 傷其不得至於聖人也所謂化之者入於神而自然 而至其有稽乎曰然孟子曰堯舜性之也湯武反之 欲不踰矩是也或曰聖人生而知之者也今謂可學 不思而得不勉而中之謂也孔子曰七十而從心所 也性之者生而知之者也反之者學而知之者也又 謂聖本生知非學可至而為學之道遂失不求諸已 曰孔子則生而知也孟子則學而知也後人不達以

汉已可重人生 而求諸外以博聞強記巧文麗辭為工崇華其言鮮 於身以及於物以至無所不怒是所謂遷也君子之 怒在已君子之怒在物小人之怒出於心作於氣形 彼随物以應之怒不在此何遷之有 又曰小人之 曰喜怒在事則理之當喜怒者也不在血氣則不遭 有至於道者則今之學與顏子所好異矣 又語録 怒如舜之去四凶 又曰動乎血氣者其怒不遷若鑑之照物妍虽在 論語精義 <u>六</u>

或問不遷怒何也語録中有怒甲不遷乙之說是否 得粗了諸君便道易此莫是最難須是理會得因何 曰是曰若是則甚易何須待顏氏而後能曰只被說 也世之人固有怒於室而色於市者此遷怒者也當 來便見是好物惡物來便見是惡物鏡何嘗有好惡 不遭怒如舜誅四凶怒在四凶舜何與焉盖因人有 其怒能自反於義理之所歸則雖或遭焉蓋寡矣顏 可怒之事則怒之聖人心本無怒也猶之鏡焉好物

矣聖人之心如止水 物而未當有怒豈不是難君子役物小人役於物今 子之好學孔子所稱乃先乎此學者可不勉乎且怒 行故怒於人者不使遷乎其身愧於已者不輒貳於 横渠曰顏子於天下有不善未嘗不知知之未嘗復 見人有可喜可怒之事自家著一分陪奉他此亦勞 不怒別人者忍得如此已是煞知義理若聖人則因 一人對那一人說話能無怒色乎有人能怒一人而

於定四軍全書

論語精義

後也 又曰怒於人者不使遷於已懶於已者不使 錐怒而不離於道未嘗遭也不貳過者知幾也學者 范曰不遷怒者性不移於怒也發而中節謂之和故 萌於再 吕曰為已之至則好學不厭人之有惡已必怒之不 淵他門弟子皆不與焉然則知好學者鮮矣 使可怒之惡反遷諸己而為人之所怒是謂不遷怒 所以學為聖人非治心養性不能至也夫子獨稱顏

有不善未當不知知之未當復行是謂不貳過皆為 謝曰移此而之彼謂之遷繼而副之謂之貳古之人 已之至者也 架人以其滅 天理而窮人欲顏子之克已其於聖人 之所以為聖以其得天理而忘人欲東人之所以為 顏子不運怒不貳過則其所好乃克已之學也聖人 不患有過益過不害其為改至於貳過則必不改矣 不貴不怒盖怒未必不中節至於遷怒則必不中矣

ていうま とます

輪船精美

多定四庫全書 熟與馬是以謂之好學今也則亡未聞好學者也豈 記曰心有所念憶則不得其正今至於不遷怒則於 之為難耳文武一怒而安天下之民則何惡於怒哉 謂室於怒而市於色者運其怒之甚者也不遷怒則 游曰不遷怒者怒適其可而止無溢怒之氣也傳所 正心之學可謂自強矣不貳過者一念少差而覺之 發而中節矣喜怒哀樂不可無也每思要發皆中節 其所學止於見聞而已乎 卷二下;

早不復見之行事也益惟聖人能寂然不動故無過 顏子能非禮勿動而已故或有不善始萌於中而不 於正身無所於修暖然似春凄然似秋天德而已矣 楊曰學問之道無他求其放心而已矣遷怒貳過者 而顏子所以三月不達仁也若夫絕學者則心無所 謂自强矣正心以修身自殭而不息此孔子所謂好學 及復行是其過在心而行不貳焉則於修身之學可 此聖賢之辨也

文へりしたいます

編招精義

金员四月全書 裘吾聞之也君子問急不繼富原思為之字與之栗九 之庾冉子與之栗五東子曰亦之適齊也乘肥馬衣輕 子華使於齊冉子為其母請栗子曰與之釜請益曰與 皆放而不知求者也顏淵克己復禮則進斯道矣兹 尹曰怒在物不在已故不遷有不善未嘗不知知之 識為務則其去聖學也遠矣 其所以為好學也與如子張之賢猶以干禄為問殭 未嘗復行故不貳

百辭子曰母以與爾鄰里鄉黨乎 當與也求不達而請益則與之處求猶未達夫子之 冉子乃欲資之而為之請夫子與之釜者所以示不 伊川解曰夫子之使子華子華之為夫子使義也而 多故謂之曰皆有餘則分諸鄰里鄉黨盖思之為幸 意故自與之栗五東故夫子非其繼富蓋赤苟至乏 則夫子必周之矣原思為之宰則與之栗九百辭其

NA.10:01 1:1:00

有常禄也 又語録曰冉有為子華請栗則與之少

論語精義

多定四庫全書 范曰夫子之道循理而已故周急不繼富以為天下 請益再與之亦少聖人寬容不欲直拒他然再子終 請冉子請之自不是故聖人與之少他理會不得又 常數故不得解子華出使於齊師使弟子不當有所 原思為之宰則與之多者原思為宰宰必受禄自有 之通義使人可繼也 又曰取予者義之端也君子 不喻也 無所苟焉可以與則與可以無與則無與也在子華 卷三下

則不與非為各也在原思則當與非妄施也故雖多 不得解義可以取則鄰里鄉黨所當及也推此以及 天下無不均之患矣

富有所不繼豈以一已之私分害天下之公義哉故 謝曰此聖人示人以辭受取含之道也君子之於辭 日曰富而與人分之則魚者無辭於富 受取舍之際豈欲悦人之耳目哉文稱其情而已故 禄有所不辭與之釜與之庾意其禄秩所當得者如

人工与日本社

酶語精義

多员也眉在 當與而不與非告非所當解而不解非貪 舜禹之於天下何敢受也此可以為自潔而不可以 為義要之二者皆未免乎有意至於無意者則非所 游曰飯原稱事所以食功也今原思為之率而辭禄 觀而不可以為惠也幸而受要義也解要於為宰則 家則其於所識窮乏者得我當如何也此可以為侈 此至於與之栗五東則繼富矣繼富於肥馬輕裘之 不受则食功之義廢矣蓋義所當得則雖萬鍾不害

之釜者所以示不當與也求不達其意而請益與之 楊曰君子之於辭受取予之際尚非其義一介不以 有相賙之義 其為應借使有餘猶可以及鄰里鄉黨蓋鄰里鄉黨 尹曰赤之適齊也乘肥馬衣輕裹而冉求乃資之與 以醫與為各寡取為魚者皆不知此也以冉求原思 與諸人苟以其道舜受竟之天下不以為泰而士或 之賢猶不免是況世之紛紛者乎

シストコートという

编语精美

金河区屋石 子謂仲弓曰犂牛之子縣且角錐欲勿用山川其含諸 棄也 五秉故夫子非之 又曰原思之辭常禄使其茍有 范曰以瞽瞍為父而有舜以穌為父而有禹古之聖 横渠曰犂牛之子錐無全純使其色騂且角縱不為 伊川解曰疑多曰字角始角也可用時也 餘則分諸鄰里鄉黨者凡取予一適於義而已 大祀所取次祀小祀終必取之言大者茍立人所不

大とり wat to the | 賢不係世類尚矣子能改父之過變惡以為美則可 謂孝矣 謝曰此言人不緊其類也牛色繁於氣禀如何幾有 錐不純但縣且角猶可以用山川蓋大者立小者未 吕曰祭祀之牛角繭栗角握則用牛之子可知牛色 者可以人而不如乎蓋人性異於是聖與愚無定也 不可變者然犂牛之子有騂且角雖殺勿用不可得 統猶未害也 谄語精美 主

金月でたろう 子曰回也其心三月不違仁其餘則日月至焉而巳矣 賢無方如此 楊曰苟騂且角雖犂牛之子不廢也人之有子猶是 在念與不念耳 苟立其大者人所不棄也 尹曰臣聞張載曰犂牛之子雖非純全然使其縣色 馬故竟不以瞽瞍而廢舜舜不以鯀而廢禹聖人立 且角縱不為大祀所取次祀小祀亦必取之謂仲弓

伊川解曰回三月不違仁得一善則服膺弗失其餘 道小變之節盖言顏子經天道之變而為仁如此其 日月至焉至謂心存於仁非能至仁也 又語録曰 親為改定此說 又曰日月至焉而已矣與久而不先固請先生遂 又曰日月至焉而已矣與久而不 少有私欲便是不仁改先生曰如此是頤著書也恭少有私欲便是不仁一本法云此段周恭先所録乞 心默識玩索久之庶幾自得 又曰三月言其久天 息者所見規模雖略相似其意味氣象迥然別須潛 三月言其久週此則聖人也不違仁是無纖毫私欲

汉足四事人主事 一

論語精義

事有非字 我者 實主之辨使心意勉勉循循而不能已過此幾非在 終久於仁也 又曰三月不建仁言其久也然成德 時而至馬不若回愈久而弗失也夫子之於仁慎其 范曰回之於仁一時而不變則其久可知其餘則有 横渠曰始學之要當知三月不達與日月至焉內外 所以取與人者至矣有能一日用其力於仁矣乎猶 本然下

唯聖人性之然後能不息賢者身之可久而已其下 養其氣養之功有緩有速則氣之守有遠近及其成 日曰仁之為德無容過體學者莫能勝行者莫能至 性則不繋所禀之盛衰如顏子之所養茍未成性其 未能性之故久則不能不懈 又曰君子之學必致 不得見焉唯獨稱顏子三月不違其可謂仁也已 隨其力為至之久近也三月不建可久也以身之而

次之四事全書 風 為語精美

於仁也至於三月久之猶不能無違非欲違之氣有

養之盛衰故其為德或久或不久執使之然非致養 於化雖與日月至焉者有間然至於三月之久其氣 之則氣與天地一故其為德自殭不息至於悠久博 不能守也則日月至焉者從何如矣若夫從心所欲 厚高明莫之能已也其次則未至於化必繫所禀所 則賢人之德如聖人則不可以久言 不踰矩則其義將與天始終無有歲月之限故可久 之功不能移也如顏子所禀之厚所養之勤尚未至 又曰大而化

卷三下

亦不能無衰雖欲勉而不違仁不可得也非仁之有 所不足守蓋氣有不能任也猶有力者其力足以員 謝曰回之為人語其所知雖出於學然鄰於生知矣 子其幾矣 而中不思而得者安得違仁者哉可久賢人之德顏 性則不繫所禀之盛衰所謂從心所欲不踰矩不勉 里之遠而力不勝矣故君子之學必致養其氣而成 百鈞而日行百里力旣竭矣雖欲加以一鈞之重

文七日事 白色

滿語精義

ţ,

依於仁則不足以為人焉仲尼嘗數曰有能一日用 飲一日闕之則必顛仆餓路而殞命矣人心一日不 語其成功錐未至於從容亦不可為勉強矣三月不 則復詩人以一日不見如三月兮夫子聞韶三月不 建仁仁熟矣特未足以語聖也亦未達一間之稱爾 游曰仁人心也不可須臾離也猶飢之於食渴之於 知肉味皆久之意 三月特以其久故也古人三月無君則弔去國三月

金いりせたという

侯曰顏子三月不違仁便是不遠而復也過此則通 其力於仁矣乎當時之人不能一日用其力於行仁 未嘗復行則其不違可知矣 非聖人不足以與此 楊曰三月不違未能無違也然而其復不遠則與日 言之不違則心常依於仁矣 月至焉者異矣記曰中心安仁者天下一人而已蓋 又安得以仁存心三月之久如顏子哉違者對依而 又曰有不善未嘗不知知之

A. Jones Jihan

绮旭所覧

ŧ

李康子問仲由可使從政也與子曰由也果於從政乎 何有曰賜也可使從政也與曰賜也違於從政乎何有 故也 於聖人未達一間者也日月至焉心存於仁而不久 尹曰三月言其久若聖人則渾然無間斷矣此顏子 化未化之間顔子所以自處亦如是 又曰如天地 天通地無有間斷便是聖人孔子許頗子者常在欲 元之氣化育流行無纖毫間息斯可謂之仁矣

多定四月全書

曰求也可使從政也與曰求也藝於從政乎何有 伊川解曰季康子問仲由子貢冉有其才可以從政 之宰而由也自謂為千乘之國可使有勇求也自謂 范曰季康子問弟子可用之才夫子各以其才而告 取其長皆可用也 乎夫子答以各有所長非惟三子者人各有所長能 之子謂仲由可使治千乘之國賦冉求可使為百乘 可使足民蓋二子之志止於如此故曰果曰藝及其

Stallow Little

論語精美

貨殖為之病三子者及聖人之門猶如此臣是以知 相季氏也為具臣而已矣子貢之達可以使四方而 謝曰夫子當謂誦詩三百授之以政不達雖多亦矣 日曰果則有斷達則不滯藝則善裁皆可使從政也 天下之才難也 間也此豈優游不斷無智不才者能之乎果達藝有 以為學者豈徒誦說云乎故將事事而見於民物之 於此然後足以從政也三子聖門學者其性行或

||金定四月子書

卷三下

A S. Dies Links 李氏使閔子騫為費宰閔子騫曰善為我解焉如有復 我者則吾必在汶上矣 尹曰人各有所長能取其所長皆可用也 謂之藝三者有一焉則於從政乎何有 觀色慮以下人然後謂之達知禮樂射御書數然後 楊曰片言可以折獄以其果也質直而好義察言而 特以從政問於夫子蓋陋儒之所短正在乎此 侃侃或行行於克已獨善雖季氏猶知其有餘也而 務語情義 ţ

富贵不啻如犬彘又從而臣之豈其心哉在聖人有 斯仕矣 勢况関子審得聖人為之依歸彼其視季氏不義之 范曰閔子顏淵之倫也不仕於大夫亦不仕於諸侯 謝曰學者能少知內外之分皆可以樂道而忘人之 數人而已 以仲弓之賢猶為季氏宰若顏閔者夫子之得邦家 伊川解曰仲尼之門能不仕大夫之家者関子曾子

多玩四盾全書

由也不得其死於衛求也為季氏附益夫豈二子本 季氏雖不臣夫豈不知我而欲以為宰也関子辭之 不然者公山弗擾佛肸亂人也召夫子夫子欲應之 何也蓋居亂邦見惡人在聖人則可在他人則不可 心哉蓋旣無先見之智又無克亂之才故也則閔子 取禍柔則必取存閉子豈不能早見而豫待之乎如 之亦不可得也况得而污之乎自聖人而下剛則必 所謂磨而不磷沒而不緇蓋其變化莫測人雖欲殺

人の日日といかの

論路精美

金分工屋石雪 而有斯疾也斯人也而有斯疾也 伯牛有疾子問之自牖執其手曰亡之命矣夫斯人也 樂則行之憂則違之確乎其不可拔於二子見之矣 尹曰仲尼之門不任於大夫之家者閱子曾子數人 楊曰孔子之門惟顏淵閔子未當仕益隱而未見也 其賢矣乎 而已 范曰夫子於顏淵之死冉伯牛之死皆曰命也言天

人工可收入的 能盡人之道則能窮理躬理則能盡性盡性則至於 之命也非人之所能為也易曰窮理盡性以至於命 哲其衆曰畢萬匹夫也七戰皆獲死於牖下自牖執 者天之所為非人之所取也立嚴繼之下而死者人 命故孟子曰知命者不立乎嚴牆之下盡其道而死 謝曰疾者即於牖下屬纊以候氣絶之時故趙簡子 者故曰命 之所取非天之所為也顏淵冉伯牛皆盡其道而死 輪語精成 Ĭ

多为也是有事 楊曰不知慎疾則其疾有以致之而至者伯牛無是 其手曰亡之盡夫子與之永缺之意說者以為惡疾 幸故曰亡之命矣夫斯人也而有斯疾也 不殺人見恐不然善人之死不必夭折然後謂之不 惜之故再數曰亡之命矣夫斯人也而有斯疾也斯 侯曰夫子嘗以德行稱伯牛矣於其將亡也宜其重 也故曰命矣夫 人也而有斯疾也言非可愈之疾亦不幸短命之意

and the state of 子曰賢哉回也一節食一點飲在随巷人不堪其憂回 也不改其樂賢哉回也 改其樂須知所樂者何事 當玩味自有深意 又曰樂莫大馬樂亦在其中不 明道曰軍歌随巷非可樂盖自有其樂耳有一其字 尹曰牖牖下也包氏謂有惡疾不欲人見恐其不然 輪語精義 Ī

是處富貴猶是 义曰仁者在已何憂之有凡不在 賤而在陋巷者處富貴則失其本心顏子在陋巷猶 其心而改其所樂也故夫子稱其賢 于侁問顏子何以不改其樂曰知其所樂則知其不 已逐物在外皆憂也樂天知命故不憂此之謂也若 陋巷而不改其樂與貧賤在陋巷何以異先生曰貧 伊川解曰顏子之樂非樂節熟陋巷也不以貧窶累 顏子簞瓢在他人則憂而顏子獨樂者仁而已 或問顏子在

金片四月白書

シャラー ノエー 賤人主崇高奉養備極苟不知學安能不為富貴所 得之而極天下之欲者不與存焉 又曰顏子節郡 為可樂而樂之則非顏子矣佐以語毘陵鄒公浩公 講既畢文義乃復言曰陋巷之士仁義在躬忘其貧 非樂也忘也 先生在講筵書於文義之外反復推 改君謂其所樂者何也曰樂道而已曰使顏子以道 明歸之人主及當講此章門人皆疑將何以為說及 曰吾今始識伊川面 為语情見 又曰天下有至樂惟反身者

范曰顏子之樂一簞食不損雖得天下亦不加焉其 移且顏子王佐之才也而單食熟飲季氏魯國之盡 施濟泉修已以安百姓堯舜猶以為病此富贵之憂也 亦不能移矣夫處貧賤而能樂則處富贵而能憂博 所學者道也富與貴是人之所欲也貧與賤是人之 也而富於周公魯君用捨如此非後世之監乎聞者 所惡也顏子豈樂夫陋巷哉處貧賤而不變則富貴

多定匹库全書

致定四軍全書-阚 謝曰有所欲不得所欲則不樂回也心不與物交故 日曰禮義悦心之至不知貧賤富貴何以吾之憂樂 游曰非樂箪瓢陋巷也不以貧實動其心改其樂也 歟 無所欲無不得其所欲此所謂天下之至樂於此將 知其所樂則知其不改 以求顏子之用心果何所在且不可得而況改其樂 論語精美 夷

冉有曰非不說子之道力不足也子曰力不足者中道 而廢今女畫 樂故曰賢哉 伊川解曰冉有言非不説子之道力不足也夫子告 尹曰箪瓢陋巷非有可樂能不以衆人之所憂改其 與入德矣 楊曰居天下之廣居其樂孰加馬豈随巷箪瓢之貧 能改之哉故夫子賢之學者知顏淵之所以樂則可

范曰冉求學於夫子不能有終而患力之不足此丘 謝曰欲為而不能為是之謂力不足能為而不欲為 力不足者今汝自止非力不足也 吕曰力不足者中道而廢如不幸足廢決不能行再 陵學山不至於山者也竟舜之道行之則是豈曰不 有不行非力不足也自畫而已 可為哉 以為學為已未有力不足者乃中道而自廢耳所謂

次足り事といかう

論語精義

壴

生とうであるこうで 子謂子夏曰女為君子儒無為小人儒 是之謂畫以畫為力不足其亦未知用力與使其知 止之也 楊曰今女畫謂其非力不足也蓋求也退故孔子每 尹曰力不足者必中道而廢今求也非力不足也自 進之如此 知説大子之道豈肯畫也 所以用力豈有不足者其亦未知夫子之道與使其

范曰君子儒學其內小人儒徇其外君子所治者本 伊川解曰君子儒為已小人儒為人 麗而悦夫子以其執德不弘信道不篤故以此戒之 謝曰志於義則大是以謂之君子志於利則小是以 者豈必殖貨財之謂以私滅公適已自便凡可以害 謂之小人君子小人之分義與利之間也然所謂利 小人所務者末子夏聞夫子之道而樂出見紛華盛 天理者皆利也子夏文學雖有餘而意其遠者大者 备语情晨

一级定匹库全書 行不由徑非公事未嘗至於優之室也 子游為武城宰子曰女得人焉爾乎曰有澹臺滅明者 或昧焉是以夫子語之以此 楊曰君子小人之分義利之間而已 尹曰君子儒為己小人儒為人 是小路否曰只是不正當處如履田畴之類不必不 由小路昔一人因送葬回被僕者引自一小路歸已 伊川解曰行不由徑動必從正道 又語録或問徑

行數里方覺不是却須要回就大路若此非中理若 范曰武城之為邑小而未嘗無賢人馬子游為武城 得其人則治道斯已矣故夫子先以得人為問夫以 以不至偃室為賢天下之大必有不召之臣則君尊 武城猶不可以無人也而况天下豈無其人哉其可 使小路便於往來由之何害 而國重矣 以無人而治乎故樂武城則天下可知矣澹臺滅明 為语情茂 Ī

謝曰觀善人者於小事猶足以知之如觀水之瀾可 亦可以知滅明之賢矣行不由徑蓋其意無欲速非 滅明者非直道而行正已而不求於人不能若是也 楊曰為政以人才為先故孔子以得人為問如澹臺 觀此則澹臺滅明簡易正大之情可見矣 公事未嘗至於偃之室蓋其意不為煦濡以媚悦人 以知其有源也行不由徑非公事未嘗至於偃之室 後世有不由徑者人必以為廷不至其室人必以為

多元で月子書

それりり はんかっ 馬不進也 子曰孟之反不伐奔而殿將入門策其馬曰非敢後也 簡非孔氏之徒其孰能知之以為得人乎 尹曰行不由徑動必從正道 者以後為功凡衆必有爭故以讓為美功必有矜故 范曰有功而不代唯禹能之戰勝者以先為功不勝 者以教若孟之反可以為法矣 以謙為美夫子之於人苟有善必稱焉取其合於理 瑜语精莪 夫

金分巴尼石雪 吕曰人之不伐能不自言而已孟之反不伐則以言 謝曰人能操無欲上人心人欲自滅天理自明大道 其必得之矣然不知學者欲上人之心無時而忘益 亦未知所以擇術也擇術之要莫大於不伐久之則 其馬曰非敢後也馬不進也則其於不代亦誠矣後 凡可以於已舍人者皆為餘事矣奔而殿將入門策 以事自揜其功加於人一等矣 之學者無志於學則已有志於學師孟之反可也

矣 大江日日人山 子曰不有祝鮑之佞而有宋朝之美難乎免於今之世 尹曰師奔而殿是難能也而又不有其功故稱其不 伐也 侯曰孟之反殿魯之師有功而曰非敢後馬不進也 楊曰殿而後而自謂馬不進故夫子稱其不伐則其 可謂不伐矣 功著矣 論語精美 支

吕曰惟巧言令色可以免今世之患 言猶難於當世此疾時人之好佞也人君豈可不以 范曰祝鮑口柔宋朝面柔有朝之令色而無鮑之巧 所謂巧言来朝美所謂令色當衰世非此難免 之佞與宋朝之美難免今世之害矣 之世必見憎疾也 又語録曰佞才辨也不有祝鮀 伊川解曰無祝能之巧言與宋朝之令色難乎免今 佞為戒而遠之哉 又曰祝鮀佞

子曰誰能出不由戶何莫由斯道也 楊曰世衰道微遊談之世方以辯給相傾非巧言令 憎疾矣 謝曰益惡直聰正衰世之風善觀世之治亂者如此 尹曰無触之巧言與朝之令色難免乎今之世必見 侯曰而字疑為不字 色以取容說難乎其免矣言此益傷之也 川解曰道不可須與離也事必由其道猶出入之 命吾青い Ŧ

一欽定四庫全書 門 范曰行必由道如出入必由戶人皆知出必由戶而 者賢人也知出必由戶則無穿衛由徑之行矣知行 必由户也 謝曰道之得名以其人由之而不可離也近在父子 日曰出而不能不由戶則可行而非達道也哉 必由道則無非僻不正之心矣 不知行必由道蓋由之而不知者凡民也知而由之 夫婦之間視聽食息之際果可以離人乎哉自異端

子曰質勝文則野文勝質則史文質彬彬然後君子 2 . 5) · L i 寂寞矣 伊川解曰君子之道文質得其宜也 尹曰道不可離可離非道猶出入必由戶也 百姓日用而不知耳 楊曰道無適而非也孰不由斯乎猶之出必由戶也 起或搥提仁義或絕滅倫類然後人始疑道為虛無 乃周官府史胥徒之史管文籍之官也故曰史掌官 谕悟精美 又語録曰史 Ē

新定四庫全書 質而已矣何以文為故野於與史文質之反也無人 書以赞治文雖多而不知其意文勝正如此也 范曰凡史之事皆文勝質者也失其義陳其數者史 也國有史記亦主於文而已無取於質也野人則曰 為解說亦曰史即國史 吕曰史者治書之稱治官府之文書 曰史即府史善 之君子 之在官者亦曰史則與野人異矣不野不史然後謂

謝曰禮不下庶人故其容多熊熊君子攝以威儀故 情則不免於野欲修容則不免於史其惟君子然後 其容多濟濟如曰質猶文也則其容焦焦可以為君 楊曰文猶質也質猶文也二者不可以相勝故文質 而皆不君子者益德不足必無文質相稱之理欲直 能文質彬彬乎此發於自然見於 面盎於背施於四 子矣如曰文猶質也則其容濟濟可以為君子矣然 體者也此觀人之大要

大江り馬八百百

捣跖精成

ŧ

金万七月七月 子曰人之生也直罔之生也幸而免 彬彬然後君子然質之勝文則有其質矣猶之甘可 横渠曰生直理順則吉凶莫非正也不直其生者非 伊川解曰人類之生以直道也敗罔而免者幸耳 矣雖有文將安施乎然則與其史也寧野 以受和白可以受采也文勝而至於滅質則其本亡 明道曰生理本直罔不直也而亦生者幸而免 尹曰史文勝而理不足也唯君子文質得其宜 卷三丁

詐之心非人道也衣服在躬而不知其名為罔愚之 范曰人之性善故其生直直誠也罔無知也生於鄙 幸福於回則免難於苟也 吕曰凡人之生直道而行足以免於世無常之人其 亦曰罔以禽魚無知而罔之也問則為惡將無不至 暗故學而不思則罔思而不學則殆結絕以何以漁 至也此豈其性哉不能明於善也直則生明罔則生 其能免者幸

200 1101 /14.m

猫语防药

金云四月全書 於理義則仰不愧俯不怍不見非於明不見責於幽 免也幸而已罔如網無常者也 游曰直者循理之謂也惟其循理故能盡生之經與 其血氣亦將安佚恬愉此其所以能生於罔則不直 謝曰順理為直天地神人之所共好也人無一不慎 也此其不死亦幸矣 不直者不惟内焦勞於血氣亦天地神人之所共惡 直養之直 同至於 姦罔則去直也遠矣

子曰知之者不如好之者好之者不如樂之者 楊曰人者盡人道者也不益生不助長故其生也直 得其正矣以乞醢證父為直不得其正者也古人於 不誠無物則罔有死之道焉其生也幸免而已 尹曰直性也罔失性者也幸而免謂得免者幸也 幼子嘗示無誑所以養其直也有素矣 曰人之生也直是以君子無所往而不用直直則心 明道曰篤信好學未如自得之樂造道好之者如遊 翰語精義

金厅四届全書 他人之園囿樂之者則已物耳然只能信道亦是人 范曰知之者不如好之為也好之者不如樂之深也 底事果能造次颠沛必於是豈有不得之理 又曰 好之好之必求之求之必得之古人此箇學是終身 伊川解曰非有所得安能樂之 又語録曰知之必 之難能也 至於樂之則為己之所有 知之者在彼而我知之也好之者雖篤而未能有之

是矣 謝曰知有是理未必為故不如好之者好之者未必 吕曰知之則不感好之則勉樂則不可已也 則惡可已也故不知手之舞之足之蹈之樂者天下 學至於樂之而後可以語成矣孟子曰樂則生矣生 楊曰夫婦之愚可以與知焉則知之非難矣知之而 無所厭故不如樂之者至於樂則無於厭取捨性於 之至和也

かんこうりゅう ハナーラ

論語精美

蓋

子曰中人以上可以語上也中人以下不可以語上也 者有所得而安之也 尹曰知之者知有是道也好之者好而未得也樂之 後樂此知好樂之辨也 分也 明道曰上知高遠之事非中人以下所可告益踰涯 伊川解曰才里而語之高安能入也 不能期月守者好之不至也好之矣必心有得焉而 又語録曰中

金只正周台書

De Camp 范曰中人以上可入於上智故可以語上中人以下 此而已乎曰亦有可進之道也 楊曰有中人上下者氣禀異也不失人言唯知者能 盖未足以及之者語之無益 謝曰此論上下之分非不移之品特語其操術淺深 有不可以語上由學與不學故也 可入於下愚故不可以語上人之性善有可以語上 (以上中人以下此謂才也然則中人以下者終於

輪插精義

金月正月子言 樊遅問知子曰務民之義敬鬼神而遠之可謂知矣問 仁曰仁者先難而後獲可謂仁矣 明道曰民之所宜者務之所欲與之聚之所惡勿施 尹曰才卑而語之高未有能喻者也 鬼而祭之淫祀以求福知者則敬而遠之 又曰先 爾也人之所以近鬼神而褻之者蓋惑也故有非其 難克己也 又曰務民之義如項梁立義帝謂從民

伊川解曰能從百姓之所義者知也鬼神當敬也親 難後獲先事後得之義也仁之事也 望者是也敬鬼神而遠之所以不瀆也知之事也先 而求之則非知也以所難為先而不計所獲仁也 又語録曰民亦人也務人之義知也鬼神不敬則是 此二句說知亦盡且人多敬鬼神者只是感速者又 不知不遠則至於瀆敬而遠之所以為知 又曰只 不能敬能敬能遠可謂知矣曰知鬼神之道然後能

文とり車人はから!

摘招精 美

敬能遠否曰亦未説到如此深遠處且大綱説當敬 不敬佛者只是孟浪不信然則佛當敬乎曰佛是胡 不感也又問今人奉佛莫是感否曰是也敬佛者感 不得西向行又却初行日忌次日便不忌次日不成 類如太白在西方不可西行有人在東方居不成都 不衝太白也如使太白為一人為之則鬼神亦勞矣 人信者必感不信者亦是孟浪不信如行忌太白之 人之賢知者安可慢也至如陰陽卜筮擇日之事今

金月でたる言語

20. 17. m. 1.1. 范曰君子之所有事惟振民育德而已務民之義所 作者皆先獲也如利仁是也古人惟知為仁而已今 吕曰當務為急不求所難知力行所知不順所難為 者先難而後獲者所以育德也 如行遇風大抵人多記其偶中者耳 以振民也鬼神幽而難明敬而遠之所以明民也仁 此樊遲可進於知與仁之實 雨之類 へ皆先獲也 倫衙精義 又曰有為而

金好四庫全書 謝日務民之義知以義為利者也故鬼神而遠之知 鬼神之情狀也两者皆非淺近者所可窺是以謂之 事而已非義也記曰之死而致死之知者不為也又 知難如射之有志若跳之視地若臨深若履薄皆其 楊曰知者知仁義而不去是也樊遲學稼圃民務之 仁焉 心不易之謂其心不易其必有獲矣於此時可以見 口禮之近人情者非其至蓋惡其衰也幽明異域而 表] 三]

子曰知者樂水仁者樂山知者動仁者靜知者樂仁者 ころう シー 致親焉知者不為也故問知以是告之仁者其言也 初為之難言之得無初乎則不可易為也在熟之而 尹曰能從百姓之所義者知也鬼神當飲者親而求 伊川解曰樂喜好也知者樂於運動若水之流通仁 已故問仁以先難後獲告之 則非智也以所難為先而不計其所獲仁也 為惩背足

多定匹庫全書 范曰知者運而不息故樂水仁者安於所止故樂山 者樂凡運用處皆樂仁者專以靜而專仁可以無知 動静仁知之體也動則自樂静則自毒非體仁知之 者樂於安靜如山之定止知者得其樂仁者安其常 深者不能如此形容之 又曰樂山樂水氣類相合 知不可以無仁如人之身統而言之則只謂之身別 而言之則有四肢 又語録曰樂水樂山與夫動静皆言其體也知 又曰知如水之流仁如山之安

日曰山水言其體動靜言其用樂毒言其效精義入 形容其德也 動則能和故樂靜則能久故壽非深於仁知者不能 謝曰仁知合謂之聖自非聖人仁知必有所偏故其 樂此樂山樂水所以不同也以其動是以周行而不 神庸非樂乎澤及萬世庸非毒乎 殆以其靜是以獨立而不改以其成物是以動以其 趨向各異則其成功亦不同也內有所感斯外有所

文色可華色的

矫括精裁

在京口た人工 成已是以靜以得其用故樂以盡其性故毒若夫無 歳是也 偽以丧真不殘生以傷性可以保身可以養生可以 游曰仁者安仁得於所性之妙不逐末不忘本不逐 盖其所樂有不存焉者矣况壽乎 樂也無所不樂也動亦静静亦動仁知不足以名之 楊曰利之故樂水安之故樂山利故動安故靜批大 盡年故享年享國皆可長久若堯舜文王皆度越百

欽定四軍全書 子曰齊一變至於魯魯一變至於道 故毒 然魯猶存周公之法制齊由桓公之霸為從簡尚功 伊川解曰夫子之時齊殭魯弱孰不以為齊勝魯也 樂者知也得其常者仁也 卻導大竅物莫得而攖焉故樂靜則復則與天為一 之治太公之遺法變易盡矣故一變乃能至魯魯則 尹曰知動也猶水之通流仁靜也猶山之安靜得其 論語精義

俗不如此又仲尼居之當時風俗亦甚美至漢尚言 修廢舉墜而已一變則至於先王之道也 又語錄 魯太公亦未嘗之齊又謂齊經田常弑君無君臣上 魯之學天性此只說風俗若謂聖賢則周公白不之 日齊經管仲霸政之後風俗尚權許急衣食魯之風 下之分也不然 又曰言魯國雖衰而君臣父子之 横渠曰魯政之獎御法者非其人而已齊因管仲遂 大倫猶在愈於齊國故可一變而至於道

次下り事上に見り 一 許語精美 范曰齊魯有太公周公之餘化故其變也易齊一變 謝曰齊魯之異非周公太公遺化不同齊自管仲之 日日齊政雖修未能用禮魯東周禮故幾於道 存焉可舉而措之一變而至於道非聖人之所難也 孟子以齊王猶反手也况夫子之於魯乎 子曰如有用我者期月而已可也魯有周公之典法 可使如魯之治時也魯一變可使如周公之有道也 壞其法故必再變而後至於道

馬魯錐削弱而周公之法則猶在有王者作取法於 游白齊雖殭大經桓公一變而為霸則王道不復存 後與晉楚爭霸而不法先王隆禮義者多矣至於魯 魯則文武之道衛然不變矣 籍猶在人存而政舉一變可以至於道矣 獨以弱守國故其氣骨有近於王道而况周公之典 楊曰魯雖失道而周公之法猶存焉齊更管仲則其 法併亡矣故齊一變至於魯而已魯一變則至道

金为也是石門

子曰觚不觚觚哉觚哉 廢 墜 周公之法而尚有存者未嘗變亂故齊一變至 語錄曰觚之為器不得其法制則非觚也舉一器 而 伊川解曰觚而失其形制則非觚也故君而失其君 尹曰齊自管仲用霸道變亂太公之法盡矣魯雖曰 天下之物莫不皆然天下之事亦猶是也 於魯魯一變至於道也 之道則為 君不君臣而失其臣之職則為虚位

SANDING LINE

論語情義

金月四月子書 范曰觚之為器必有法焉不合於法則不觚不觚則 非禮之禮非義之義雖禮非禮也雖義非義也 吕曰名失其實非特在觚 楊曰名者人治之大故孔子為衛以正名為先觚而 觚之可名哉猶學者一不中節雖賢者猶為過之則 謝曰觚之所以為觚者以其合度也器不合度尚何 人而不德則不人國而不治則不國矣 不足以為器矣故曰觚哉樂一器而天下莫不皆然

汉里里主書 為其然也君子可近也不可陷也可欺也不可罔也 宰我問曰仁者雖告之曰井有仁焉其從之也子曰何 尹曰觚之不觚不得為觚矣猶為君必盡君道為臣 必盡臣道推之事物亦如是而已 不觚則何為哉 子可使之往不可陷以非其所履可欺以其方難罔 明道日宰我言如井有仁者當下而從之否子曰君 以非其道 又曰言可使之往不可陷以罔 擒語精義 爱

金りでたとって 范曰宰我以為仁者唯善之從或告之以并有仁焉 義也可欺以其方不可陷以非其道如校人之欺子 為仁亦從之乎夫子謂不然君子可使之有往不可 伊川解曰宰我問仁者好仁不避難雖告之以赴井 則去可近而去也而不可使為不義入井則陷於非 其將入井而從之與夫子以為不然君子可見不善 陷之於不知可欺以其方不可罔以非其道 産是也豈以井有仁而遂從之乎宰我信道不篤憂

為仁陷害而不知孝子仁人之於不義雖君父之命 謝曰不可此不可欺則是逆詐億不信也可陷可罔 則是不知也仁者之所為正不如是宰我親矣於聖 以行救可欺之以可救不可問之使必救 陷仁將何施當是時也君子可往以思救不能自陷 日曰井有仁焉猶言自投陷穽以施仁術也已已自 亦不從也豈得而罔之乎 人尚疑仁者之用心則信乎仁者之難知也

次かりまれたはか

油焙精美

累

金分でたろう 子曰君子博學於文約之以禮亦可以弗畔矣夫 楊曰君子之於仁不逆詐不億不信則疑若可陷也 約之以禮者能守禮而由於規矩也未及知之也止 從之乎夫子謂不然君子可使有往不可陷以不知 尹曰宰我問仁者不避患難雖告之以赴井為仁亦 明道曰博學於文而不約之以禮必至於汗漫所謂 可欺以其方不可罔以非其道 故宰我以是問之 **表二下**

てうう 道矣 欲罷不能是已知之而進不止者也 之知之次也與此相近顏淵曰博我以文約我以禮 可以不畔道而已多聞擇其善者而從之多見而識 聖人最切當處聖人教人只是如此既博之以文而 伊川解曰博學而守禮錐未知道亦可以弗違畔 與約相對聖人教人只此兩字博是博學多識多聞 後約之以禮所謂博學而詳說之將以反說約也博 或問曰博我以文約我以禮曰此是顏子稱 瑜语精美 異

善人君子多識前言往行而能不犯非禮者爾非顏 能約束以禮雖未能知道無幾可以弗畔於道此言 之以禮與此同否曰這箇則是淺近說言多見聞而 多見之謂約是使之知要也又問君子博學於文約 而識之知之次也間見與知之甚異此只是聞見者 是小成去知道甚遠如多間擇其善者而從之多見 子所學於夫子之謂也又問此莫是小成否曰亦未 又曰君子博學於文約之以禮亦可以弗畔矣

多定四库全書

久己り馬という 范曰楊雄曰多聞則守之以約寡聞則無約也學文 多見而識之知之次也以勉中人之學也 者莫不欲博能約之以禮則不至於流矣夫如是僅 横渠曰博文約禮由至著入至簡故可使不得畔而 夫之無疆場也其不入於異端邪說者鮮矣 可以不畔於道而已博學於文而不約之以禮猶農 天此非自得也勉而能守也多聞擇其善者而從之 論語精美 里

金月正月子言 道 吕曰學貴造約愈約愈深博文約禮非其至者然在 由理義故有禮其禮錐一然不由博而徑欲取約者 以弗畔蓋此道舉而措之天下則有不可窮之事業 謝曰知博而不知約則失於無統知約而不知博 失於無徵由博而知約猶知四旁而識中央也故可 反而求之一身則有不可二之理義由事業故有文 事莫非當務故於道也雖未深造亦可以弗畔於 卷三下

久己日日かり 厭之 子見南子子路不說夫子矢之曰予所否者天厭之天 恐不免於那通也 楊曰博學於文不知所以裁之則或畔矣約之以禮 雖不願見安能拒之乎子路以夫子之被強也故不 尹曰博學於文約之以禮亦可以弗違畔於道 伊川解曰南子非正衛君以為夫人使見夫子夫子 所以裁之趨於中而不出於大防則弗畔矣 梅語精美 哭

是蓋天厭之猶天喪予也 又語錄曰子見南子子 路不悦以孔子本以見衛君行道反以非禮見迫歎 悦夫子為陳不得已之故而謂之曰吾道之否塞如 曰孔子之見南子禮當見之也南子之欲見孔子亦! 命也矢陳也 又曰經是邦必見其寡小君則孔子 其善心也聖人豈得而拒之子路不悦故夫子矢之 曰予所否者天厭之天厭之否音乃泰否之否 曰予所以否塞者天厭之天厭之言使我至此者天

金月也是人工

えれずしたいか 横渠曰聖人於物無畔援雖佛肸南子苟以是心至 不見 禮也而必曰天厭之乎曰道之粉與也與使孔子而 之見南子禮也然子路不悦孔子何以不告之曰是 得志則斯人何所容也否則安得不歸之天厭之哉 教之在我爾不為已甚也如是 以妾為夫人旣以夫人處之使孔子見於是時豈得 又曰見所不見古者大饗夫人有見實之禮靈公 論無精義

乳

於諸侯夫子以事衛君則禮當見之旣以為君豈以 范曰古者仕於其國必見小君禮也南子以不正聞 所當見南子無德子路所以不悦孔子以為使我不 吕曰道之不行天實厭之此聖人所以不遇**小**君禮 者有不合於禮不由其道也天厭之者棄絕之也 得賢小君而見之天厭乎吾道也矢陳也 略其禮哉子路未達故不悦夫子以子路之野不可 以禮告也直誓之而已所以責之使深思也予所否

多玩四月至書

表: 工: 下:

謝曰見南子在當時君臣宣淫豈以為非禮在子路 子於衛靈公有際可之仕至於此則行道之意其亦 者非人也天之所厭者胡為不悦哉樂天而已矣 之意獨不然直以為淹夫子是以不說孟子嘗謂夫 楊曰子見南子包承者也此大人處否而亨之道衛 已矣故於子路不悦也直其理而語之曰我之所否 見不見則亂羣矣使孔子而得位則以妾為妻者固 人以為過吾國者必見吾寡小君則孔子安得而不

J. J. 111 111 - 1

至

多定匹庫全書 哉子路不悦包羞者也盖過乎中則失所謂包承者 容况孔子而可以見之乎子路所以不悦也然當是 將正之也否則無可為之時則天實厭之人如之何 包承小人吉此大人處否而亨之道也 國者必見吾寡小君則孔子安得而不見之否之時 得位固將正之也然衛之人皆以為小君而謂過吾 之時窮為旅人不得而正之者天實厭之也孔子而 又曰南子衛靈公之妾以妾為妻五霸之所不

子曰中庸之為德也其至矣乎民鮮久矣 こうしこに 尹曰臣聞師程頤曰南子非正而衛君以為夫人使 世教衰民不與於行鮮有中庸之德也 又語録曰 道之否塞如是蓋天厭之猶天丧予也 中庸之為德民不可須與離民鮮有久行其道者也 伊川解曰中庸天下之至理德合中庸可謂至矣自 被強也故不悦夫子為陳不得已之故而謂之曰吾 見夫子夫子雖不願見安能拒之乎子路以夫子為 為否肯足

一一一一一一一一一一一 范曰中庸者無過與不及而可常也君子之行不為 為是以民鮮能久矣 者不能久而巳 吕曰中庸者經德達道人所共有人所常行不能至 德而鮮能也明乎中庸之道則人皆可以為竟舜矣 過則為不及夫惟過與不及是以不可常此道之所 謝口中不可過是以謂之至德過可為也中不可 以不明不行也故中庸為難民言鮮能者人皆有是

楊曰夫道止於中而已矣過乎中則為過未至乎中 處則至矣下是為不及上焉則為過或者曰高明所 常過而以其所賤者事君親也而可乎然則如之何 德也其至矣乎何也曰至所謂極也極有屋之極所 而不能期月守也是鮮久矣或問孔子曰中庸之為 則為不及也故以中庸為至人皆曰予知擇乎中庸 以處己中庸所以處人如此則是聖賢所以自待者 曰高明則中庸也高明者中庸之體中庸者高明之

STATIONAL STATES

确語精義

至

多分でたろう 用耳高明亦猶所謂至也 又曰道止於中而以出 乎中則過未至則不及故唯中為至夫中也者道之 也極高明而不道中庸則賢智之過也道中庸而不 肖者無以異也夫道若大路行之則至故孟子曰堯 待人則聖人處己常失之週道終不明不行與愚不 為二致非知中庸者也以為聖人以高明處已中庸 及乎高明則愚不肖之不及也世儒以高明中庸析 至極故中又謂之極屋極亦謂之極以其中而高故

次での事人を書 舜之道孝悌而已矣其為孝弟乃在乎行止疾徐之 顏不能離此而為聖賢也百姓特日用而不知耳 問非有甚高難能之事皆夫婦之愚所與知者雖舜 尹曰中庸天下之正理德合乎中庸可謂至矣人知 也聖人得中故能常久而不易 無非中者故能久矣易之恒曰君子立不易方恒久 侯曰民不能識中故解能久若識得中則手動足履 擇乎中庸而不能期月守也故曰民鮮能久矣 瑜酒精美 圭

金気でたんこう 子貢曰如有博施於民而能濟衆何如可謂仁乎子曰 立人已欲達而達人能近取譬可謂仁之方也已 何事於仁必也聖乎竟舜其猶病諸夫仁者已欲立而 明道曰醫書以手足痿痺為不仁此言最善名狀仁 皆不屬已故博施濟衆乃聖人之功用仁至難言故 至若不屬已自不與已相干如手足不仁氣已不貫 者以天地萬物為一體莫非已也認得為已何所不 止曰已欲立而立人已欲達而達人能近取譬可謂

とれる しょう 指殺 博施濟東云必也聖子者非謂仁不足以及此博施 立人達人能近取譬可謂仁之方也已使人求之自 濟眾乃功用也 又曰能近取譬反身之謂也 仁之方也已欲令如是觀仁可以得仁之體 反便見得也雖然聖人豈不盡仁然教人不得如此 日博施濟東非聖人不能何干仁事故特曰夫仁者 不遠是也 又曰以已及物仁也推己以及物恕也達道 論語精美 孟 又曰

金丘四月全書 伊川解曰博施厚施也博而及東竟舜猶病其難也 聖人濟物之心無窮已也惟患力不能及耳聖人者 豈非聖人之所欲然而五十乃衣帛七十乃食肉者 曰何事於仁必也聖乎 又曰恕者為仁之方也 不瞻此病施之不博也濟東者豈非聖人之所欲然 聖人之心非不欲少者亦衣帛食肉也然其所養有所 人倫之至惟聖人能盡仁道然仁可通上下而言故 又語錄曰論語有二處說堯舜其猶病諸夫博施者 卷三下

人でりませんはまっ 一 濟也然所治有所不及此病濟之不象也推此以求 而治不過九州者聖人之心非不欲四海之外亦無 修已以安百姓則為病可知茍以吾治已足則便不 惡無一物不得其所然亦不能故曰病諸修已以安 無大小至於仁無上下大小而言之博施濟泉亦仁 是聖人 又曰博施濟衆仁者無窮意 又曰聖則 而無極衆則多而無窮聖人必欲使天下無一人之 也愛人亦仁也竟舜其猶病諸者猶難之也博則廣 确語精義 圭

金公正是台雪 殊不知此言是孔子見子貢問博施濟東問得來事 觀之能博施濟衆則是聖矣 之曰旣謂之博施濟衆則無盡也竟舜之治非不欲 大故曰何止於仁必也聖乎蓋仁可以通上下言之 只見孔子言何事於仁必也聖乎便謂仁小而聖大 曰聖人之心何時而已 又問仁與聖何以異曰人 四海之外皆被其澤遠近有問勢或不能及也以此 百姓亦猶是也 或問博施濟衆何故仁不足以盡 或問竟舜其猶病諸

也聖則其極也聖人人倫之至倫理也至極也旣通 則使自得之以為仁也 又曰方術也 又曰方道 仁則反使不識仁只以所言為仁也故但言仁之方 孔子語仁而曰可謂仁之方也已何也益若便以為 抵盡仁道即是聖人非聖人則不能盡仁道 又曰 曰若聖與仁則吾豈敢此又却是仁與聖俱大也大 之仁至於盡仁道亦曰仁而已此通上下言之也如 人理之極更不可有加若今人或一事是仁亦可謂

人へかかしたか |

論語精美

金页四周全書 可謂仁之方也已博施而能濟衆固仁也而仁不足 貢未識仁故測度而設問也惟聖人為能盡仁然仁 謂仁乎子曰何事於仁必也聖乎仁聖何別曰此子 以盡之故曰必也坚乎 又曰立人建人為仁之方 也 又曰己欲立而立人已欲達而達人能近取譬 各自體認得 或問子貢曰博施於民而能濟衆可 固不出乎公平公平固在用意更有淺深只要自家 強恕求仁莫近言得不濟事亦須實見得近處其理

Water tite 在事不可以為聖又問竟舜其猶病諸果乎曰誠然 曰剛毅木的質之近乎仁也力行學之近乎仁也若 濟眾乃聖之事舉仁而言之則能近取譬是也 **木為龍木乃仁也龍乃聖也指木為龍可乎故博施** 足以名之 又曰聖乃仁之成德謂仁為聖譽由雕 也聖惟恐所及不遠不廣四海之治也孰若無四海 夫至仁則天地為一身 而天地之間品物萬形為四 之外亦治乎是當以為病也博施濟衆事大故仁不 满招情花 Ē

多定四庫全書 書謂手足風頑謂之四體不仁為其疾痛不以累其 乎故能近取譬者仲尼所以示子貢為仁之方也醫 肢百體夫人豈有視四肢百體而不愛者哉聖人之 横源曰仁道有本近譬諸身推以及人乃其方也必 心故也夫手足在我而疾痛不與知焉非不仁而何 至仁獨能體是心而已易當支離多端而求之自外 世之忍心無恩者其自棄亦若是而已 **殺博施濟衆擴之天下施之無窮必有聖人之才能**

普天之下無幽遠不及乃可為博施億兆之衆無 夫不獲乃可為濟衆此雖竟舜亦病未能也伊尹曰 范曰博施者德無所不施也濟衆者人無所不濟也 弘其道 於天地也子貢疑此未盡於仁而不知乃聖之事夫 之民為已任而思濟之也夫自以為不足則將有餘 伊尹任之故以為辜竟舜性之故以為病此所以參 一夫不獲時予之辜孟子以為聖之任言能以天下

久記日年人上面!

論語精義

金艺工工人工工 道不虚行博施濟衆乃聖人之事竟舜猶病非子貢 學者以大為小以小為大皆未識夫仁者也 謝曰博施濟泉亦仁之功用然仁之名不於此得也 亦由此進 於已取之庶近而可入是乃為仁之方錐博施濟泉 所及子貢有志於仁徒事高遠未知其方孔子教以 日曰博施於民仁之事能濟衆聖之事也苟非其人 子貢直以聖為仁則非特不識仁并於聖而不識力

とこう またか 君子之仁豈謂是哉觀孔子所以告其門人其義可 物之衆而欲博施而濟之雖竟舜不能不以為病也 楊曰堯舜之仁不福愛急親賢而已以天下之廣人 地之心矣 立人已欲達而達人亦非仁也仁之方所而已知方 所斯可以知仁猶觀天地變化草木蕃鮮可以知天 故关子語之曰以也聖乎又舉仁之方也已欲立而 知矣故顏淵問仁則曰克己復禮為仁仲弓問仁則 新語情義

金足四庫全書-之方使知所趨也由是而求之斯得仁矣 於博施濟泉乎我欲仁斯仁至矣故又告之以為仁 帛食肉也然於養有所不瞻若此之類病其施之不 治不過九州若此之類病於濟之不能衆也博施濟 **東堯舜猶病其難故曰何事於仁必也聖乎非仁** 能博也聖人之治非不欲四海之外皆被其澤然其 尹曰五十者衣帛七十者食肉聖人非不欲少者衣 曰出門如見大實使民如承大祭則所謂仁者何事!

久己りまといる 而聖大也益仁可以通上下而言聖則其極也今有 而已盡仁之道非聖不能故曰必也聖乎推己之 以及人乃為仁之方 事之仁亦可謂之仁至於盡仁之道亦不遇曰仁 确招精美 夲 恕

論語精義卷三下